

靈寶領教濟度金書卷之二百二十七 爰二

洞微高士開光救苦真人齊金真檢

靈寶通玄弘教水南先生林實真編

科儀立成品傳度

弟子謝恩醮

步虛

各禮師存念如法

宣衛靈呪

玄陰七靈 九炁合形 真精鬼爽 二景回輪
飛光赫奕 煥耀長春 日月吐暉 回合華英

大梵流布 奔飛火鈴 魔王受事 朝謁帝京
含靈普降 廣惠幽明 玉文敷告 萬炁騰外

鳴法鼓二十四通

無上三天玄元始三炁太上老君召出巨身

中三五功曹左右官使者侍者金童傳言玉
女五帝直符直日香官各三十二人出出者

嚴裝闡啓玄壇天帝神君當召此間土地里
城真官正神急上闡啓且今奉為入意以今

設醮行道願得

玉清道炁靈寶妙光下降流入巨等身中即
使玄壇清淨內外成真天無氛穢地絕妖塵
琳琅振響十方肅清萬魔不干真誠上徹令
日所啓速達徑御
太上無極大道至真玉皇上帝神前

請稱法位新授

具位且恭謹同誠上啓

太上元極大道虛无自然元始天尊玉宸道

君靈寶天尊太上老君道德天尊昊天玉皇

上帝南極天皇上帝北極紫微大帝南極長

生大帝東極青華大帝后土皇地祇大羅法

界群真日月星斗上聖三元三官大帝北極

四聖真君傳科演派宗師歷代侍宸仙衆雷

靈官將法部威靈三界萬靈一切真宰且聞

清微啓運道輝煥於三乘赤明開闢教昭回

於十極翼天寶而玄雲流演敷帝化而德雨

涵濡聖聖心傳玉及邇根源之奧真真口授

瓊章披枝派之長庶化育於玄黃庸裁成於

經緯且宿生慶幸欣際清明元聖鑒觀幸佩

希夷之寶衆明師傳授喜承玄妙之瓊章且賈

由恩光俯提愚昧輟奉蘋蘩之禮少摠葵藿
之忱伏望羽葆前驅列旌旄而成蹕瓊輪梭
擁羅幢蓋以臨軒九光之風駟俱臨八會之
雲龍普集均沾勝晏式御芳筵且不勝懇禱
之至謹當奏請

請聖 初獻

具位且恭謹重誠上啓

三清上聖十極高真玄虛之主宰仙僚洞府

之神靈主執三界內外一切聖衆且聞八威

龍文彰之圖於混洞九霄鳳悉定蕤簡於鴻

濛下提瀛海之蒐靈上御雲霄之真宰風舒

霞卷凝碧落以徘徊玉鍊金裁藏紫微而翊

衛格妙劫周於四萬衆女期衍於七千律戒

輕觀科彰密授且以玉靈孕粹五炁缺精荷

覆載之流形感照臨之耀彩慙無功德悠悠

虛老於駒陰徒積愆尤役役俯同於兔逐願

回光而御炁期息影以留神稽首真師皈心

正法仰荷提攜之造庸施傳度之恩將帥吏

兵極班聯而策役經錄法部稽靈籙以宣傳

雖施為曲荷於師恩而提獎且由於帝力珠

環誠罄不勝激切之忱瓊玖辭殫庸致慙慙之謝具儀表積謹用宣陳

宣表

表文敷露淵鑒昭回顧惟庸昧之資借膺承宣之寄俯躬三省懼魔試之侵凌察已九思慮塵氛之雜蕪或七世之冤憎未釋或三生之罪咎難清易降善功曷臻福慶所冀天心簡在聖力扶搖憐其乍入玄門錫靈光而委照鑒其初修真路流道恚以彌羅頒鶴赦而宿垢冰清降鴻恩而積愆雲散俾身心之玉潔令榮衛之金澄冠難不侵福德立降傳經演教流芳派於九圍學道修真揚真名於八極皈依切切米囑皇皇臣無任懇切之至稽首致恭禮行亞獻

亞獻

臣聞四雌五雄至道風臻於微妙七經八緯玄功允極於希夷煥乎六甲之嚮書至矣三皇之鳳策開天制地教法雨以周回反陰還陽振靈風而激越派分元始義貫虛皇重念臣領教心勤學真志切竭竭綴武冀隨玉荀

之班龍辰承願願錫翠寰之陰仰乞虛皇教主妙有法王宣將帥以聰駿奔勅吏兵以隨召制飛登奔御騰駕景之玄功存思誦修策凌霄之逸軌扣虎關而陽神肆觀開狂室而陰識飛遷地瀉天災毋侵凌於黔庶陰魔陽

文二

四

魁免肆暴於黎元祖玄證朱火之圖師友列青華之籍今臣修持有感召役無違八百功圓早證虛靈之妙三千行滿疾收冲澹之玄俱證無為水超有漏臣敢不仰承帝命俯軫師言進毋沉於威儀矢心證誓退勿違於俯仰勵志修盟結友志駕於金蘭為朋心期於冰蘗紹隆祖日誓濟美而企前修誕振宗風願流芳而提後覺庶報生成之德庸彈實亮之仁六甲昭旁倘叛岱溟之重約三辰在上局逃誓鏡之深文合眾聖以質臨會萬靈而

委鑿芳騰瑞鼎依稀騰鈞樂之音香謁金籥縹緲振寶花之影恪禪誠於三獻庸致敬於一忱頓首虔恭酒陳終獻

終獻

臣聞至敬無文仰事天之妙密大禮必簡昭

饗帝之崇嚴以茅茨不剪之真致恭稷非馨之奉昭昭臨上恪真詢美莫贊贊旁諒垂來非以今敷陳禮整為獻誠周月游河澄覺宵聲之轉千參橫斗轉放夜氣之將中蘭煙隱隱於金爐芝爐微微於玉炬三真振蹕萬聖

文二

六

回轅綠輦丹輿已在玄虛之表瓊輪羽蓋行收碧落之中絲仗後先紫煙上下且等躬辭聖陞跡履塵關追法從以無由企晨華而有耀運元會道倘收混合之功入妙疑真永莫飛奔之樂且不勝攀戀之至瞻望雲霄一心奉送

送聖 回軒頌

化財 向來

審奏祖師官將醮儀傳度齊司

步虛 洒淨

各稱法位

具位嗣法弟子某某謹焚香供養

三天化主玄中大法師靜老天尊三天大聖都天大法師六合無窮高明大帝上清玄一寶籙真人玉輿真人綠輿真人太極太虛真

人太極左仙翁冲應真人上清朱陽真人祖師某宗師某經師某籍師某度師某先生玉清靈虛宮靈寶天仙內院諸部仙靈官吏法錄治職神員仗此寶香普仰供養伏以龍漢開圖七部未分於天上鶴鳴御運三乘遂衍於人間大哉靈寶之淵至矣玄元之捷參珠擬妙清微照夜以開幽騫翠流華黃混乘晨而濟願下仙莫觀上士堪聞今弟子夙植福基欣逢道運致肘步騰行之敬殫心刻膺隆之恭願膺口授之真期暢心傳之的茲仲交度盍整敷陳所冀風駕翻泛玄虛而滌止雲輿縹緲御碧落以來臨會省府院司之仙靈與官君將吏之真聖普聆丹禧均集玄壇某不勝懇切之至奉迎師駕

請聖 初獻

焚香上啓本派師尊所部官吏伏以敬出始青萬劫流華於祖日科尊大赤千齡挺秀於宗風前俯聞玉笈之美後覺絕金囊之妙燈燈續燄上爰理於天工葉葉傳芳下裁成於地紀欽惟靈寶會幹樞機宣德承符玄運

開於俊士傳道授業昌期瑞付於奇民今弟子夙稟微質久參大法昔年庸敏若未究於希夷今日協恭期頓膺於玄妙淪塵潔已證誓澄身積勳行於方來謝愆尤於既往顧惟愚昧夙荷陶成自大洞以至地祇龍章慈親由畢道以及天詔鸞篆威瞻獨於五法之傳獲造一得之授九思補過敢好為師三省立功盡傳至道况聖蹟借端於西閭而真源幸忝於東華立雪勤果難忘皈向逆風激切庸為參傳兼靈虛仙派之崇極空洞真班之貴分撥香火端在今辰交度將兵奚假他日故秋无文之禮祈宥有造之恩伏望師寶提攜真慈矜憫鑒弟子皈神之切察鬼神精命之勤錫以靈光被以真炁俾恪遵於舊律為宏暢於新儀白蘭芙蓉按女青之鬼律朱函驛馬遵空碧之神章三天東陽景之騰九地辟陰魔之試化數遐邇績布古今俾紹續於前聞庶幾提於後進悉依洪陰昭錫玄恩某不勝懇切之至酒陳亞獻

亞獻

焚香上啓本派師尊所部官吏伏以金闕崇嚴三省典憲章之要玉臺峻極諸司聯經緯之權修文則真聖仙靈振武則神將神吏各嚴師伍共揚化育之仁齊領編禪庸懋生成之德欽惟聖武風蘊靈威蟬聯輝耀日之班魚貫奮嘶風之隊聰明敏智坐綠幕而濟度八紘忠勇英豪張玄幃而截成六合力摧山嶽悉壓陵河鉅鉞連天擲流金於碧漢旌旗曳地奮飛火於黃垓上扶紫極之洪恩下布玄虛之深惠今弟子欽承惠眷進階真階再扣虎豹之關希降龍驤之絳丹封朝奏詳敷惠下之辭紫詔夕頒恪鑒由中之艱董行差撥俾左宣揚茲伸交度之儀章先輅師寶之明證所冀營衛香火斥絕試魔採御飛奔為通誠而騰昇超凌升度即達悃以登真息羗魁魁之姦妖絕鬼恠精靈之變化為人鳥已彰神應以星輝度死度生揚靈通而日燦流真名於今古振芳譽於邇遐弟子某敢不傾素修持據月精進同德佐理敢忘言功邊賞之勤協力一心佇見進秩陞班之正恪希

登眺不負忱恂甚不勝懇切之至

弟子東立西師西立西東啓祝

靈寶大法濟度真文秘藏紫微四萬劫而一傳下世術嚴碧落七千年而三役至人惟擇賢則必傳而非人則勿示金科錯落玄律昭彰我以真運天開聖基日授學真碩教以久

玷於玄班濟存度亡幸昭承於紫澤山林適意朝市何心爾久列靈虛復膺職任慮正傳之未備希審奏以求全激切賤忱已歷淵聽從容授戒宜備宣傳第惟授受之初已佩師

資之訓不宜重復懼淨聽聞今惟策役仙靈交懺將吏各宜整肅恭演藝章

謹召靈寶大法司云云各宜分形化景嚴裝顯服隨香火交懺前往弟子其靖治之中如律公參合駐劉者永遠駐劄輔佐行持非駐

劉者公參畢即回所司聞召即至同心贊化一如靈寶玄壇律令

弟子其自今交懺之後所宜精勤存念勉勵誦修濟物利人憲天弘道期恪遵於玄律為贊翊於洪樞別俟功圓行履其授

終獻

其上啓本派師尊所部官吏以今交度禮慶薦獻誠周顯惟盛境之糾紛難挽真游之曲駐伏望鳳翥月駕即返虛元雲馭煙轡如旋家廓其爭元從控挽惟劇瞻馳謹稽首再拜奉送

回轉頌

聖德頌

向來

靈寶頌教濟度金書卷之二百二十七

靈寶頌教濟度金書卷之二百二十八二百二十九同來

洞微高士開光救苦真人真身具授

靈寶通玄秘教水南先生林雷真編

科儀立成品書真者全用

宿啓儀

啓堂頌

各禮師存念如法

宣衛靈呪

五星列照煥明五方 水星却災 木德致昌 陰城消禍 太白辟兵 鎮星四掩 家國利亨

名列玉簡 字錄帝房 乘廳散景 飛騰太空 出入冥無 遊宴十方 五雲浮蓋 招神攝風 役使萬靈 上衛仙翁 和與道合真

鳴法鼓二十四通

無上三天玄元始三炁太上老君召出日身

中三五功曹左右官使者侍香金童傳言玉

女五帝直符直日香官各三十二人出出者

嚴裝闡啓玄壇天帝神君當召此間土地里

城真官正神急上開啓且今奉為入意以今

宿啓建齋行道願得